

新斟注地里志卷第十一

嘉定錢坫著

大興徐松集釋

漢中郡秦置

秦惠王後十三年置

莽曰新成屬益州戶十萬一千五百七十口三十萬六千一百一十四縣十二

西城

在今興安府城西北漢水之北後漢書注今金州縣也

太平寰宇記故城在今縣西北四里漢江之北西城山

之東

閻氏若璩曰胡身之通鑒注謂漢中治西城誤松按仙人唐公房碑公房成固人王莽居攝二年君

爲郡吏是時府在西成去家七百餘里休謁往來轉景卽至闔郡驚焉西成卽西城是漢中治始在南鄭後移

西城胡氏
未爲誤

旬陽

今興安府洵陽縣太平寰宇記金州縣也漢書音義音

詢

北山旬水所出南入沔

水經注水北出旬山今水出鄠縣東南太乙山東南流
逕鎮安縣西又東南合孝義川水卽柞水也又逕洵陽
縣東北入漢水

南鄭

在今漢中府城東二里後漢書注故城在今縣東北高
祖爲漢王所都華陽國志秦厲公城之

閿氏若璩曰元和郡縣志漢中

郡自漢以還多理南鄭高帝都之是漢中治南鄭矣又按水經注云秦惠王置漢中郡南鄭縣卽郡治漢因之可知南鄭之爲郡治實始於秦也

旱山池水所出東北入漢

水經注池水俗謂之獠子水今日老渚河也出府城南之青石關西南東北流逕關西入漢水

褒中

在今漢中府褒城縣南十里後漢書注今梁州縣也華陽國志昭帝元鳳元年置

都尉治漢陽鄉

房陵

今鄖陽府房縣括地志今房州縣也武帝紀作防陵古

字通十三州志卽春秋時防渚

段氏玉裁曰房陵左傳之麋國成大心敗麋師

於防渚闕駟曰防卽房陵也

維山維水所出東至中廬入沔

此水今無所考一說今襄陽府城西北有清泥河卽是

舊本維字皆作淮依漢中巴蜀二志校改

又有筑水東至筑陽亦入沔

今亦曰沮水原出房縣南景山北流逕縣城西北折東

南流逕保康縣北折東北流至穀城縣南入漢

東山沮水所出東至郢入江行七百里

水今出遠安縣北北風山南流逕縣城西又東南逕當

陽縣北合漳水逕麥城東南入江

段氏玉裁曰沮左傳作睢皆七餘反後譌

爲祖讀曰租今襄陽沮水左右地皆曰沮中亦謂之祖
中吳志赤烏四年諸葛瑾取祖中與魏志正始四年諸
葛瑾攻沮中
正是一事

安陽

在今漢中府洋縣東北一百三十里太平寰宇記洋州
眞符縣本安陽地

鬻谷水出西南北入漢

水經涪水出南鄭縣東南旱山北至安陽縣南入于沔
注卽黃水也今日洋河原出西鄉縣東南鹽場關北山
北流逕魚渡路西又北東合木馬河入漢

王氏念孫曰
鬻谷水衍谷

字鬻水卽水
經之涪水

左谷水出北南入漢

水經注卽壻水也出城固縣西北東南逕縣城東北入漢

成固

在今漢中府城固縣東北六里括地志故城在今縣東六里元和郡縣志韓信所築

沔陽

在今漢中府沔縣東南十里如淳曰此方人謂漢水爲

沔水

有鐵官

錫

今鄖陽府城太平寰宇記均州鄖鄉縣也郡國志春秋

時曰錫穴地記漢中郡東界有錫縣古之錫穴也應邵

音陽

莽曰錫治

武陵

上庸

今鄖陽府竹山縣元和郡縣志竹山縣理卽上庸縣也

長利

在今鄖陽府鄖西縣西南李奇以爲鄖子國

有鄖關

在今鄖陽府城西

廣漢郡高帝置

六年也華陽國志高帝分巴置廣漢郡武帝又割置犍
爲郡故曰分巴割蜀以成犍廣劉逵曰三蜀本一蜀高
帝分置廣漢武帝分置犍爲爲三

莽曰就都屬益州戶十六萬七千四百九十九口六十六
萬二千二百四十九有工官縣十三

梓潼

今縣州梓潼縣後漢書注今始州縣也

段氏玉裁曰今劍州及縣州之

梓潼縣爲漢梓潼地

五婦山

山在今梓潼縣北十二里太平寰宇記在縣北十五里
水經注縣有五女蜀王遣五丁迎之至此見大蛇入山

穴五丁引之山崩壓五丁及五女因名山爲五婦山亦

曰五婦侯

段氏玉裁曰五婦山今劍州西北五十里之五子山

馳水所出南入涪

說文解字潼水出縣北界南入夔江水經梓潼水西南

入涪注卽馳水亦曰潼水也今水原出莒溪南流逕縣

城西入涪水

段氏玉裁曰馳水卽潼水水經注謂之梓潼水又曰南入之涪江今謂之潼江射江

瀾江

行五百五十里莽曰子同

汁方

今成都府什邡縣括地志故城在今縣南四十步後漢

書注益州縣也說文解字郡國志作什邡表作汁方史

記留侯世家作什方後漢西狹頌作汁邠並同應邵讀
汁爲十如涪讀爲什

莽曰美信

涪

今緜州城通典今緜州城卽漢涪縣城矣後漢書注今
緜州縣

有孱亭

太平寰宇記羅江縣卽孱亭也今廢縣在緜州西南九
十里巴蜀志孱水出孱山今水在緜州東五里入涪

莽曰統睦

雒

在今成都府漢州南通典後漢書注並云故城在今縣

南

松按水經注云雒水逕雒縣故城南廣漢郡治也漢高祖置廣漢郡于乘鄉永初二年移涪城後治雒縣

是廣漢郡治云者據最後者而言非漢初卽治雒縣去蜀郡成都治甚近分巴蜀意在控馭不應二郡治相接

章山

山在今什邡縣西六十里水經注作漳山

雒水所出南至新都谷入湔

水今出章山東南流逕什邡縣南漢州北金堂縣東水

自此而南曰湔雒亦曰鴈水亦曰中水蓋與沱江支渠

合也

王氏念孫曰新都乃縣名非谷名谷字衍漢新都故城在今新都縣東

有工官葬曰吾雒

縣竹

在今緜州德陽縣北三十五里通典後漢書注元和郡
縣志並云故城在今縣東太平寰宇記在德陽縣北三
十五里

紫巖山

山在今緜州緜竹縣西北三十里

緜水所出東至新都北入雒

今日緜陽河原出紫巖山東南流逕緜竹縣西北德陽

縣西南至漢州東入雒水

都尉治

廣漢

今潼川府鹽亭縣地

閻氏若璩曰水經注云漢高祖六年分巴蜀治廣漢郡於乘鄉王莽

曰廣信卽廣漢縣是廣漢郡治此松按隸釋載廣漢長王君治石路碑廣漢不稱令是邑不滿萬戶恐非郡治

莽曰廣信

葭萌

在今保甯府昭化縣東南五十里括地志故城在益昌縣後漢書注今益昌縣漢葭萌縣也華陽國志蜀王封其弟于漢中號曰苴侯因命之邑曰葭萌應邵音家盲錢氏大昕曰古音明如盲松按葭萌北與沮接界禹貢嶓冢山在其地梁州之潛出于龍門山亦在縣北不知班氏何以失之蓋誤認西縣之嶓冢爲卽嶓冢耳又按萌當從今志作明

鄭

在今潼川府城西南通典後漢書注並云故城在今縣西南太平寰宇記在縣南九里又云在飛鳥縣北三十

五里按今飛鳥廢縣在府城西南一百三十里疑寰宇記云九里應作九十里脫一字耳

新都

在今成都府新都縣東二十里通典後漢書注並云故城在今縣東李膺益州記成都新都廣都蜀號三都

甸氏道

應在今階州東李奇讀甸爲媵

白水出徼外東至葭萌入漢

水今出岷州東北西傾山南麓番語曰羅插普刺山也原曰裴雜塔拉衆流雜出匯而成渠東南流逕武都山西南西固城東北又東南逕階州南文縣東俗稱之曰

黑水江南逕玉壘關南流至昭化縣北入西漢水亦曰葭萌水亦曰墊江也

過郡一行九百五十里

應過武都廣漢二郡

莽曰致治

白水

在今昭化縣西北

剛氏道

在今龍安府城東

涪水出徼外南至墊江入漢

水今出松潘衛東分水領東南流逕龍安府城東折東

逕府城南又東折南逕江油縣東環彰明縣城而東南
逕緜州城東潼川府城西北射洪縣東遂甯縣東合州
西北而與西漢水會水經涪水出涪縣西北南與梓潼
水合梓潼水又西南入墊江注涪入漢水墊卽白水蓋
西漢得白水之後卽可稱爲墊江又涪水亦得墊江之
目皆互受通稱之例耳

過郡二行千六十九里

過廣漢巴二郡

陰平道

在今階州文縣西北太平寰宇記今曲水縣也

北部都尉治莽曰摧虜